

ছাত্র সংঘর্ষ ॥ রাজশাহী মেডিক্যাল কলেজ বন্ধ ঘোষণা

রাজশাহী, ২৯শে মার্চ (নিজস্ব সংবাদদাতার ফোন)।-দু'দল ছাত্রের মধ্যকার সংঘর্ষকে কেন্দ্র করে আজ রাজশাহী মেডিক্যাল কলেজ অনিদিষ্টকালের জন্য বন্ধ ঘোষণা করা হয়। ছাত্র-ছাত্রীদের আজ

সন্ধ্যা ৬টার মধ্যে হল ত্যাগ করার নির্দেশ দেয়া হয়েছে।

কলেজ সূত্রে জানা গেছে, গত তিনদিন যাবৎ বিপ্লবী ছাত্র মৈত্রী ও বাংলাদেশ ছাত্র ইউনিয়নের সশস্ত্রকর্মীদের মধ্যে হোস্টেলের সিট বণ্টনকে কেন্দ্র করে উত্তেজনা ও ছোটখাটো সংঘর্ষ চলছিল। গত ২৩ দিনে উভয় দলের সমর্থকরা পরস্পরের বেশ কয়েকটি কক্ষ তছনছ করে। পরিস্থিতির দ্রুত অবনতি ঘটিলে কলেজের একাডেমিক কাউন্সিল আজ অনিদিষ্টকালের জন্য বন্ধ ঘোষণা করেন। এই রিপোর্ট লেখা পর্যন্ত (শেষ পৃ: ৬-এর ক: প্র:)

ছাত্র সংঘর্ষ

(১ম পাতার পর)

(রাত পৌনে ৮টা) শোণাগোপ করে কলেজের অধ্যক্ষকে পাওয়া যায়নি।

রাজশাহী থেকে বাস পরিবেশিত রবেরে বলা হয় যে, প্রতিসন্ধ্যা দু'টি দলের মধ্যকার সংঘর্ষের জের হিসেবে ৫০টি কক্ষ তছনছ এবং দু'টি কক্ষে আগুন লাগিয়ে দেয়া হয়। হোস্টেলের সিট দখল নিয়ে শুক্রবার রাতে এই সংঘর্ষ শুরু হয় এবং গতকাল পর্যন্ত অব্যাহত থাকে। সংঘর্ষের ফলে আবদুল মালেক নামে একজন বহিরাগত আহত হয়।

অধ্যক্ষের বক্তব্য

ঘটনার ব্যাপারে গত রাতে রাজশাহী মেডিক্যাল কলেজের অধ্যক্ষের সাথে ফোনে যোগাযোগ করা হলে তিনি বলেন, ছাত্রাবাসে বহিরাগতদের হামলার পরিপ্রেক্ষিতে কলেজ বন্ধের সিদ্ধান্ত নেয়া হয়েছে। পরিস্থিতির উন্নতি না হলে খোলা হবে না। বহিরাগতরা কক্ষ দখলের জন্য হামলা চালিয়ে ডাঙাচুর করেছে। কেউ আহত হয়নি। ঘটনা সম্পর্কে পুলিশের কাছে রিপোর্ট করা হয়েছে। তিনি বলেন, গত বৃহস্পতিবার থেকে উত্তেজনা চলছিল। পরিস্থিতির অবনতি যাতে আর না হয়, সেজন্য বন্ধের সিদ্ধান্ত নেয়া হয়। ছাত্ররা সন্ধ্যার মধ্যে ছাত্রাবাস ছেড়ে চলে গেছে।